



UNIVERSITÄTS-
BIBLIOTHEK
PADERBORN

**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Dvb. 5. Vtrum conditio posita in contractu vitiet consensum.

[urn:nbn:de:hbz:466:1-72898](#)

neque est alteri verum & morale ius petendi dare. Patet exemplo: qui enim vendit domum, saltem implicite debet consentire, ut emptor ea vtatur si velit, alioqui non est vera venditio: & qui dat mutuum, debet consentire ut mutuatorius eo possit vti, alioqui non est mutuum; tamen post contractum possunt alio contractu conuenire, vt vti non licet. Vide Couarr. 2. parte §. 1. nu. 5.

Ad Secundam rationem: Finis secundarius nō sufficit ad rationem matrimonij, sed requiritur finis primarius.

DVBIVM V.

Vtrum conditio posita in contractu vitiat consensum?

66
Quibus modis ali- quid in contra-
ctu ponatur.

N Otandum Primo: In contractu interdum aliquid poni tanquam causam, interdum vt demonstrationem, interdum tanquam modum seu fine, denique interdum tanquam conditionem.

Causa non suspendit consensum, sed solum explicat consensus motiuum: vt, *Contraho tecum, quia es nobilis, quia diues es &c.*

Demonstratio non suspendit, sed solum demonstrat aliquam qualitatem: vt *Contraho tecum, quae es diues, quae es nobilis, filia talis.*

67
Variae con-
ditiones in
contra-
ctibus.

Modus limitat quidem aliquo modo consensum, non tamen suspendit: vt, *Contraho tecum ea lege, vt suffentes matrem, tantam inferas dotem &c.*

Conditionis si de futuro sit, suspendit consensum: vt, *Contraho tecum, si sufficientem dotem dederit pater.* Si autem sit de praesenti, vel de praeterito, non suspendit.

Notandum Secundo: In contractibus variae possent apponni conditions. Aliæ enim sunt necessariæ; idque vel ex natura rei: vt, *Contraho tecum, si sol orientur cras.* Vel ex suppositione: *Contraho tecum, si Antichristus veniet.*

Aliæ sunt impossibilis, idque vel ex natura rei: vt, *Contraho tecum, si luna calo exciderit.* Vel ex statu contrahentis: vt si paupercula dicas, *Contraho tecum si milionem aurogorum numeraueris.*

Aliæ sunt contingentes. Quarum quedam sunt contra substantiam Matrimonij: huiusmodi sunt, que sunt vel contra bonum prolis: vt, *Contraho tecum si sterilitatem procuraueris, si partum abiges.* Vel contra fidem: vt *Si te adulterandam tradideris,* quidquid dicat Angelus, contra quem agit Couarruius n. 3. Vel contra insolubilitatem, seu contra rationem Sacramenti: vt, *Contraho tecum usque ad mortem parentum.*

Aliæ vero non sunt contra substantiam. Quarum quedam sunt turpes, quedam honestæ. Vide plura apud Couarr. 2. parte cap. 3. §. 1. nu. 1. 2. 3. His positis.

68
Conditiones
cessariae nō
suspendit
nec vitiat
consensum.

Respondeo, & Dico Primo: Conditions necessariae non vitiant consensum, etiam si sint de futuro. Ratio est: quia aequivalent praesenti. Perinde enim est dicere, *Contraho tecum si sol orientur cras,* & *Contraho tecum si est certum & determinatum quod orientur:* atqui praesens conditio non suspendit contractum: ergo &c.

Notandum: Glossam in Cap. *Per tuas*, de Conditionibus appositis, exquisitare Matrimonium suspendi donec conditio impleatur. Sed contrarium est verius, vt ratio allata probat. Si tamen contrahens expressè intenderet modificare suum

consensum ad tempus futurum, neq; anteā vellet contraētum esse validum, tunc ratione intentio- nis suspenderetur: sed hoc est præter naturam talis conditionis. Eadem est ratio conditionis, quæ ex suppositione est necessaria, idque ob certitudinem diuinæ revelationis, propter quam censetur esse præsens:

Dico Secundò: Conditio impossibilis vitiat consensum, nisi ioco sit addita. Probatur; quia hec cōditio significat potius dissensum, quām cō- sensum; vt patet ex modo communī loquendi, & ex ceteris contractibus. Dixi, *nisi ioco, si addita,* propter Cap. vltimū, de Conditionibus appositiis, & communem Doctorum sententiam, qui docent *conditiones impossibilis non vitare consensum aut contractum,* eo quod habeantur pro non ad- dictis: hoc enim non potest aliter recte intelligi, quām tunc haberi pro non adiectis, quando ex circumstantijs præsumitur esse ioco additas. Vide Couarr. 2. parte cap. 3. §. 2.

Dico Tertiò: Conditiones, quæ sunt contra substantiam, seu contra bona Matrimonij, vitiant consensum. Patet Cap. vltimo, de Conditionibus appositiis. Ratio est: quia cum Matrimonium es- sentialiter includat obligationem ad tria supra dicta, scilicet ad reddendum debitum in ordine ad concipiendam prolem, ad seruandam fidem, & insolubilem coniunctionē, substantia ipsius cuer- titur, si quis obligetur ad aliquid quod his repug- net. Sicut si quis profiteatur Religionem ea lege, vt non teneatur obediēre Prælato, vel vt possit vti vxore, vel retinere propriū, irrita est professio; quia continet conditionem, quæ est contra sub- stantiam Religionis.

Dices Primo: Quid si quis in contractu habe- ret animum non reddendi debitum, vel non ser- uandi fidem, estne irritus contractus?

Respondeo: Si intendat se obligare ad ea, quæ sunt matrimonij, valet matrimonium, quamvis animus ea præstandi desit. Ratio est: quia cōsen- tia vinculi Matrimonialis cōsistit in obligatione ad tria supra dicta, nō autem in proposito ea præ- stādi: sicut votū, quod quis vovet sine animo ex- plendi, validum est, modo vere intendat vovere seque obligare. Quod si interius non consentiat in obligationem, estne verna exterioris proferat; irritum est sive votum, sive Matrimonium pendens enim contractus ex consensu.

Dices Secundò: Quid si conditio illa contra substantiam seu bona matrimonij adiecta, sit de pre- senti.

Respondeo, Tunc non vitiabit matrimonium, vt recte Couarr. 2. parte, cap. 3. §. 1. nu. 12. mo- dō non obliget se ad aliquid futurum, quod sit contra Matrimonij bonum: vt si dicat, *Contraho tecum, si procurasti tibi sterilitatem,* si es adultera, validum est Matrimonium, si conditio insit.

Dico Quartò: Conditio turpis, quæ non est extra substantiam, si sit de futuro, suspendit ma- trimonium: vt, *Contraho tecum, si mecum furari vol- neris.* Probatur: Quia, si seriō addatur, indicat non adesse consensum, nisi ipsa posita: ergo sus- pendit. Si autem sit de praesenti, non suspendit, sed num- est Matrimonium, si insit. Non est, si non insit. Nec obstat, quod Cap. Finali dicitur, *conditionem turpem cōfervi pro non adiecta.* Hoc enim intelligen- dum est, si aliunde constet non esse seriō additam; sicut dictum est de conditione impossibili. Quod si seriō

Si serio fit addita, ante impletam conditionem non erit coram Deo Matrimonium, quidquid tandem presumatur aut judicetur in foro externo.

Dico Quinto: Condicio honesta de futuro suspendit Matrimonium. Patet ex Cap. Super eo, de Conditionibus appositis. De praesenti non suspendit. Sed est.

D V B I V M VI.

Vtrum iste consensu per verba de presenti, cum conditione de futuro, faciat Matrimonium simul ac ponitur conditio: An vero requiratur nouus consensus expressus de presenti?

72
D. Thomas
requirit
nouum cō-
fensum.

Plerique Doctores docent requiri nouum cōfensem. Ita D. Tho. hīc. qu. 47. ar. 5. Ioannes Maior dist. 27. qu. 4. Victoria Relectione de Matrimonio. Sotus dist. 29. q. 2. art. 1. Couar. 2. parte cap. 3. nu. 5. in principio.

Canonistæ
negant.

Verum communis sententia Canonistarum est in contrarium; ut idem Couarruias testatur; quā etiam tenet Nauarr. cap. 22. num. 63. Silvester Matrimonij 3. §. 6. Paludanus dist. 29. q. 4. a. 4. Gabriel dist. 28. in fine.

73
Sententia
Auctoris.

Respondeo: Si contrahentes exprimant, vel saltem intendant, vt contractus firmus sit posita conditione sine alio consensu, probabile est esse matrimonium statim posita conditione. Tenent Auctores secundæ sententiaz. Ratio est: nam in cæteris contractibus sub conditione initis, videamus eos statim conditione posita esse validos: ergo idem censendum de contractu matrimonij: neque enim est vlla ratio, cur illi validi sint, hic non sit.

1 Obiectio,
quod sacra-
mentū non
possit pen-
dere ex cō-
ditione
futura.

Dices Primo: Hic contractus est Sacramentū: at Sacramentum non potest esse pendens; vt paret in alijs Sacramentis: non enim Baptismus incipit esse Sacramentum ex aliqua conditione futura; sed statim, dum fit, est, vel non est Sacramentum. Confirmatur: quia si contractus incipit esse Sacramentum posita conditione, incipit tunc esse Sacramentum, quando non amplius est; quod est absurdum.

Solutio,
& negatur.

Respondeo: Ratio Sacramenti debet sequi naturam rei, in qua ponitur. Quare, cūm hoc Sacramentum ponatur in contractu, debet sequi naturam contractus. Dominus enim nihil mutauit circa contractum Matrimonij, sed solum constituit vt omnis talis contractus legitimus inter fideles initus, esset Sacramentum, ut suprā dictum est ex Concilio Tridentino. Vnde, si postea conditione posita contraactus Matrimonij efficitur validus (sicut videmus in alijs cōtractibus) oportet etiam tunc sit Sacramentum: alioqui dabitus contractus coniugij inter fideles, qui non sit Sacramentum. Vnde nego Sacramentum non posse esse vlo modo pendens ex cōditione futura, quādo illa conditio est veluti pars & complementū illius signi sacramentalis. Simile est in Sacramento Confessionis, quod pendens est in ratione Sacramenti, donec absolutio accedit, quæ interdum post multos dies accedere potest: quā posita confessio primū habet rationem Sacramenti, estque causa gratia. Simile quoq; esset si Deus instituisset Sacramentum Baptismi, vt conferret gratiam postridie, idque sub aliqua conditione futura; vi-

A famili.

delicit si homo tunc tatu haberet quod antē suscepereat. Tunc enim Baptismus non esset Sacramentum absolute, nisi posita illa prædicta conditiones; sed tantisper esset Sacramentum pendens & conditionatum: posita tamen illa conditione, sine alia actione fieret signum absolutum & causa absolta. Multò autem facilius id fieri potest in cōtractibus, qui sicut possunt esse causa sub conditione, ita etiam possunt esse signa sub conditione, vt manifestum est si contractus ad obligationem quam efficit, compararet. Quod si id fieri potest respectu obligationis, cur non etiam respectu gratiae? Fator tamē, id, quod omnino completū est, non posse esse pendens, sed necessariō tunc habere rationem Sacramenti, dum aliquid eius est, vel nunquam: fieri enim nequit, vt postquam nihil eius est, incipiat esse Sacramentum, vt suprā dictum est. Ad confirmationem supra positam:

Respondeo Negando Consequentiam: Contractus enim ille adhuc aliquo modo est, cūm incipit existere conditio; nam conditio est pars contractus, pertinens ad eius substantiam: conditio enim impleta, si iungatur verbis contractus,

significat praesentem consensum.

Dices Secundo, Capitulo Per tuas, de Conditionibus appositis, Pontifex talem contractum 2. Obiectio matrimonij sub conditione initum vocat sponsalia: ergo non est Matrimonium.

Respondeo: Vocab sponsalia ante impletam conditionem, non autem post impletam.

Dices Tertio, Capitulo Super eo, codem titulo, Urbanus dicit, eos qui contraxerunt sub conditione, si pater consenserit, non esse cogendos ad contrahendum Matrimonium, nisi polta conditio: ergo sentit nondum esse Matrimonium. Et confirmatur. Nam ibidem dicit eundem consensum non esse habendum de presenti, qui licet per verba de presenti evidenter exprimatur, in alieno tamen arbitrio nondum habito ponitur.

Respondeo: Fator non esse Matrimonium ante positam conditionem, imo nec vim sponsalium habere absolute loquendo; & ideo non est quis cogendus: impleta autem conditione cogendus est, vt stet contraucti. Vide Glossam in illa duo Capitula. Ad Confirmationem: Etsi ille consensus non censeatur consensus de presenti ante positam conditionem, cā tamen posita censem est de presenti, vt recte notat Glossa: existentia enim illius conditionis iuncta verbis contractus, significat presentem consensum in Matrimonio: sicut enim consensus potest significari verbis, ita etiam significari potest aliquo signo externo ad id instituto ex conventione contrahentium.

Dices Quartο: Si quis contraxisset hoc modo 4. Obiectio. cum vna: Accipio te ex hoc tempore in meam vxorem, si pater consenserit; & postea ante consensum patris contrahat absolute cum alia, validum erit Matrimonium. cum secunda; & accedente conditione prioris contractus, nihil fiet cum prima: ergo prior contractus non habebat vim matrimonij.

Respondeo: Hinc recte inferri non habuisse Solutio. vim Matrimonij absoluti ante conditionem impletam, imo ne sponsalium quidem de futuro; quia ex tali contractu cum priore, non esset ortu impedimentum publicæ honestatis; quod tamen vera sponsalia pariunt; vnde postea cum illius sorore posset contrahere. Aduerte tamen catenū hunc contractū habere vim sponsalium, quatenus accedente